

ſuo ſplendidiffima, tanta pulchritudine ornata, vt incredibili quadam voluptate & oblectatione omnium animantium oculos ad ſe conuertant. Præſertim ſol, qui tenebras expellit, rebus ſalutarem calorem aſſert, mundi molem exhilarat, qui orbe vno ac ſingulari circuitu diem conficit naturale, nunc excelfus pulcherrimos radios nobis oſtendens, nunc ab oculis noſtris obliſcens alias regiones à nobis lōge diſtantes occupat, & luſtrat. Et quia pulcherrimus eſt, & incredibili celeritate conſicit circulos ſuos, comparatur à diuino vate cum ſponſo propter venuſtatem, & cum gigante propter incitationem, cūm ait Pſalmo decimo octauo: In ſole poſuit tabernaculum ſuum, & ipſe tanquam ſponſus procedens de thalamo ſuo. Exultauit vt gigas ad currendam viam, à ſummo coelo egreſſo eius, & occurſus eius vſque ad ſummum eius. Vel vt poteſt etiam verti ex Hebræo: Soli poſuit tabernaculum in eis, vt Hieronymus & Pagninus tranſtulerunt. Vt ſit ſenſus: In cœlis poſuit Deus ſedem ac domicilium ipſi ſoli, qui cum pulchro ſponſo, & alacri gigante curſore comparatur. Eſt enim in quarto cœlo, mediam ſtellarum errantium obrinens regionem, Dnx, & Princeps, & moderator luminum reliquorum. Et quia ſol per quatuor anni tempora vertitur, ideo quadrifas ei antiqui iungebant, ſiue currus quatuor equorum. Horum vnus equus praſſinus erat viridi colore, propter vernum tempus, quo herbe viſcunt, & terra diſſundit herbeſcentem viriditatem. Alter erat croceus propter æſtatem, quando cuncta flauescunt. Tertius venetus colore ceruleo propter autumnum, quando pluuiæ ſunt crebre. Quartus albus propter hyemem, quod tunc glacie & frigore omnia canescant. Et quia ſol vnus eſt, & ſplendidiffimus, ideo non ſolum ab externis philoſophis, ſed etiam à theologis noſtræ pietatis interpretibus Dei hieroglyphicum perhibetur, quemadmodum luna naturæ humanæ propter eius varietatem & inconſtantiam. Vt

enim Luna modò cum ſole coniungitur, Similitudine modo ab eo recedit, ſic homo nunc Deo per diuinum amorem adhaereſcit, nunc ſe ab eo per ſueltum ſcelus ſeparat & abiungit. Et quemadmodum Luna ea parte conſpicua eſt & illuſtris, qua aſpicit ſolem, obſcura verò & inanis, qua diuerſit ab eo, ſic homo qua parte conuertitur ad Deum, velut alter Moſes micantibus illuſtratur radiis, ab eo verò abduſtus & auerſus terris eſt ac turbulentiſſis tenebris coopertus, & obſcura peccatorum ac errorum caligine vndique circumſuſus.

¶ *Benedicite ſtella cœli domino.* Magnificentiam & præſtantiam creatoris pulchritudine, ordine, motione, effectu repræſentant ſtellæ. Cum eis viri iuſtitia & ſapientia præſtantes comparantur. Id indicat Dauiel, cūm ait duodecimo capite: Qui ad iuſtitiam erudiunt multos, quaſi ſtellæ in perpetuas æternitates. Et diuus Paulus capite ſecundo ad Philipeſes: Omnia facite ſine murmurationibus & hæſitationibus, vt ſitis ſine querela, & ſimplices filij Dei ſine reprehentione in medio nationis præuæ & peruerſæ, inter quos lucetis ſicut luminaria in mundo. Et vt ſtellæ cūm magnæ ſint, paruæ tamen videntur, ſic viri pij & iuſti cūm ſint magnitudine inſignes ob meritum cumulum, apparent tamen minimi ob virtutum occultationem. Et vt ſtellæ videntur maiores in occaſu, quàm in medio curſu, ſic illorum bonitas, & virtutum magnitudo, & rerum præclarè geſtarum laudes magis in morte apparent, quàm in vita. Minus laudantur in curriculo viuendi à natura circunſcripto, quàm in interitu in migratione illa in eas oras, quas illi incolunt, qui è vita charitate muniti exceſſerunt.

¶ *Benedicite imber & ros domino.* Hæ duæ impreſſiones ad fructus terræ ferendos ſunt in aere, in quo venti etiam coguntur. Ideo ſubdit. Benedicite omnes ſpiritus Dei domino. Magnum ventum appellat ſpiritum Dei, vt ſuprà oſtendimus. Imber eſt pluuiæ, ros eſt humor ille, qui ſereno cœlo ſit noctibus

Pla. 18.

Hieron. Pagnin.

Exo. 34.

Dan. 12.

Philip. 2.

Similia.

bus